



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-3773/08
Sarajevo, 3.3.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 04-03-2009			
Organizaciona jedinica	Klasifikaciona oznaka	Redni broj	Broj priloga
01	JO-1-154/09		

PARLAMENTARNA SKUPŠTINA
BOSNE I HERCEGOVINE

- Zastupnički dom -


SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 78. sjednici održanoj 26.2.2009. godine, utvrdilo je Odgovor na zastupnička pitanja koja je Salko Sokolović, zastupnik u Zastupničkom domu Parlamentarne skupštine Bosne i Hercegovine, postavio na 42. sjednici ovog doma održanoj 17.12.2008. godine.

U pritvku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-3773/08
Sarajevo, 26.2.2009. godine

Salko Sokolović, poslanik u Predstavničkom domu Parlamentarne skupštine Bosne i Hercegovine na 42. sjednici Predstavničkog doma održanoj 17. decembra 2008. godine postavio je slijedeće pitanje:

„Na juče održanom sastanku u organizaciji Ministarstva vanjske trgovine i ekonomskih odnosa – Odsjek za promociju i unapređenje izvoza, na temu: „Prioriteti promocije izvoza za BiH u 2009. godini“, informisan sam da se Izvozno vijeće BiH, od svog formiranja 2006. godine do danas, da je održao 15. sjednica, čije je smjernice usvojilo Vijeće ministara u vidu zaključaka. Iz diskusija koje su proistekle moje pitanje je predsjedavajućem Vijeća ministara gospodinu Špiriću:

1. Šta je Vijeće ministara do sada učinilo na implementaciji pomenutih zaključaka, proizašlih iz smjernica Izvoznog vijeća BiH?
2. Da li je i ako je, kolika finansijska podrška promociji izvoza za BiH planirana u budžetu za 2009. godinu?
3. Planira li Vijeće ministara kvantitativno i kvalitativno kadrovsko jačanje Odsjeka za promociju i unapređenje izvoza pri Ministarstvu vanjske trgovine i ekonomskih odnosa, kao i Odsjeka za ekonomsku diplomatiju pri MIP-u?
4. Da li je Vijeće ministara upoznato sa činjenicom da trenutna mreža ekonomske diplomatije i nedostatak predstavništava vanjsko-trgovačkih komora BiH u inostranstvu, koči promociju izvoza za BiH? Ako jeste, šta misli učiniti da bi se otklonila ova slabost, kada su u pitanju akteri promocije izvoza BiH?“

Na postavljeno pitanje, Vijeće ministara Bosne i Hercegovine je na 78. sjednici održanoj 26.2.2009. godine, utvrdio slijedeći

ODGOVOR

Odgovor na postavljeno pitanje br.1

Razmatrajući informaciju o radu Izvoznog vijeća BiH za 2007.godinu, Vijeće ministara Bosne i Hercegovine na 33. sjednici održanoj 10.01.2008. usvojilo je istu uz sljedeće Zaključke:

1. zadužuje se MVTEO da organizaciono i kadrovski ojača Odsjek za promociju i unapređenje izvoza – Sekretarijat Izvoznog vijeća BiH (OPI);
2. zadužuje se VTK BiH da ubrza aktivnosti na funkcionalnoj uspostavi Agencije za promociju izvoza (API);
3. zadužuje se MVP da organizaciono i kadrovski ojača ekonomsku diplomatiju;

4. zadužuje se Ministarstvo finansija i trezora da predloži modalitete za jačanje IGA-e, u skladu sa preporukama Izvoznog vijeća;
5. zadužuje se Ministarstvo finansija i trezora i Ministarstvo vanjskih poslova da predlože modalitete učlanjenja BiH u regionalne razvojne banke Azije, Afrike i Islamskih zemalja;
6. zadužuje se Uprava za indirektno oporezivanje da provede aktivnosti na uspostavi TIR sistema u Bosni i Hercegovini;
7. zadužuje se MVTEO da u saradnji sa VTK BiH i Upravom za indirektno oporezivanje pripreme prijedlog ATA Konvencije radi potpisivanja i ratifikovanja;
8. zadužuje se Ministarstvo finansija i trezora da predloži načine za obezbjeđenje sredstava za formiranje fondova predloženim u Dokumentu diskusije o politici broj 1 (Policy Paper 1);
9. zadužuje se MVTEO- Komitet za tehničke propise, Agencija za nadzor nad tržištem, Institut za standarde, Institut za akreditacije i mjeriteljstvo da, u roku od 30 dana, dostave programe za uspostavu sistema certifikacije i preuzimanja evropskih direktiva vezanih za kvalitet, a sve u cilju jačanja konkurentnosti bosanskohercegovačke privrede, kao i sigurnosne zaštite potrošača, sa konkretnim nosiocima posla i rokovima, s tim da konačni rok za implementiranje ne može biti duži od godinu dana.

Na 53. sjednici Vijeća ministara Bosne i Hercegovine održanoj 23.06.2008.godine razmatrana je Informacija o radu Izvoznog vijeća za period Decembar 2007-Mart 2008.godine i tom prilikom, između ostalog, donesen je Zaključak koji glasi „Zadužene su nadležne institucije da intenziviraju aktivnosti na realizaciji zaključaka 33.sjednice Vijeća ministara od 10.01.2008.godine.“

Analizirajući realizaciju ovih Zaključaka došlo se do sljedećih pokazatelja:

Zaključak pod rednim brojem 1. je u fazi realizacije. Od 01.09. u Odsjek za unapređenje i promociju izvoza u MVTEO BiH uposlen je jedan novi državni službenik. U narednom periodu očekuje se Izmjena i dopuna Pravilnika o sistematizaciji radnih mjesta, kojom se Odsjek kadrovski ojačava.

Zaključak pod rednim brojem 2. je uspješno realizovan, ali se u narednom periodu očekuje veća podrška u finansijskim sredstvima, kroz budžetska izdvajanja.

Zaključci pod rednim brojem 4., 5. i 8. za čiju realizaciju je zaduženo Ministarstvo finansija i trezora Bosne i Hercegovine nisu realizovani. U prilogu dostavljamo kopiju dopisa br.01-06-02-II-61-17/08 kojim Ministarstvo finansija i trezora BiH obavještava predsjedavajućeg Izvoznog vijeća BiH o statusu i intenzitetu realiziranja zaključaka Vijeća ministara BiH.

Zaključci pod rednim brojem 6. su u fazi realizacije. Prema korespondenciji između Vanjskotrgovinske komore BiH, Uprave za indirektno oporezivanje i Vijeća ministara BiH, potrebno je da Vijeće ministra BiH dadne saglasnost Upravi za indirektno oporezivanje BiH da ovlasti Vanjskotrgovinsku komoru BiH za izdavanje i garantovanje isprava za međunarodni drumski transport (TIR karneta) i za zaključivanje Ugovora o garanciji za TIR karnet.

Zaključci pod rednim brojem 7. su u fazi realizacije. Pokrenut je postupak formiranja Radne grupe za pripremu prijedloga ATA Konvencije u cilju potpisivanja i ratifikacije iste.

Odgovor na postavljeno pitanje br.2

Ministarstvo vanjske trgovine i ekonomskih odnosa BiH je tražilo da se iz budžeta za 2009. godinu izdvoji slijedeća finansijska sredstva kao podrška promociji izvoza za BiH:

- 200.000,00 KM za podršku sajmovima u zemlji;
- 150.000,00 KM za podršku sajmovima u inostranstvu;
- 50.000 KM za podršku Vijeću za poticaj izvoza Bosne i Hercegovine (Izvozno vijeće BiH).

Budžetom za 2009.g usvojeno je da se za podršku sajmovima u zemlji i inostranstvu izdvoji 350.000,00KM, dok zahtjevu za izdvajanje sredstava za rad Izvoznog vijeća BiH nije udovoljeno.

Dosadašnju, iako, simboličnu podršku pružao je projekat EU EXPRO, koji je i zvanično 06.02.2009.g završio sa radom.

Zabrinuti smo da će rad Izvoznog vijeća BiH doći u pitanje zbog nedostatka finansijskih sredstava.

Odgovor na postavljeno pitanje br.3

Izmjenom i dopunom Pravilnika o sistematizaciji radnih mjesta Ministarstva vanjske trgovine i ekonomskih odnosa BiH, u Odsjeku za unapređenje i promociju izvoza proširena je postojeća organizaciona jedinica za dva nova radna mjesta.

Odgovor na postavljeno pitanje br.4

Odgovor na ovo pitanje spada u nadležnost Ministarstva vanjskih poslova Bosne i Hercegovine.



BOSNIA AND HERZEGOVINA
MINISTRY OF FINANCE
AND TREASURY

02-4-1117

Sarajevo, 04.12.2008.
Broj : 01-06-02-II-61-17/08

01-1
01-2
01-3

MINISTARSTVO VANJSKE TRGOVINE
I EKONOMSKIH ODNOSA
IZVOZNO VIJEĆE
N/P G-din Dragiša Mekić , predsjedatelj

BOSNA I HERCEGOVINA
MINISTARSTVO VANJSKE TRGOVINE
I EKONOMSKIH ODNOSA
SARAJEVO

PRIMLJENO: 15-12-2008			
Organizaciona jedinica	Klasifikaciona oznaka	Redni broj	Broj priloga
02-4	07-3	50-5	08

U svezi sa Vašim dopisom od 27.11.2008. godine , u kojem se od Ministarstva financija i trezora informacija o statusu i intezitetu realiziranja zaključaka Vijeća Ministara BiH glede doprinosa poticaju izvoza u BiH obavještavamo Vas o sljedećem :

Kao što je poznato , Izvozno vijeće je prezentiralo Izvještaj o svom radu Vijeću ministara i u njemu su bile naznačene aktivnost koje Izvozno – kreditne agencije BIH- IGA provodi na polju poticaja izvoza i proizvodima koji nude izvoznicima .

Informacija koju je IGA pripremila za Izvozno Vijeće je razmatrana 24.09. 2007 . godine , i tada je Agencija predložila nekoliko mjera koje bi njene usluge činilo privlačnijim i stvorilo konkurentnije izvoznike. Mjere koje je IGA predložila Izvoznom vijeću , Izvozno vijeće je ugradilo u Zaključke , koje je Vijeće ministara usvojilo. Prema Zaključcima Vijeća ministara sa 33 sjednice održane 10.01.2008 godine , identificirane su institucije i zadaci koje bi iste trebalo da realiziraju, radi poticanja izvoza.

Ministarstvu financija i trezora su delegirani zadaci vezano za insticionalno jačanje IGA-e i medunarodne finansijske institucije (Razvojne banke) u tom pravcu je zaključeno.

1. Zadužuje se MFT i MVT da pokrenu procedure za uclanjenje BIH u regionalne Razvojne banke Azije i Afrike
2. Zadužuje se MFT da implementira modalitete za jačanje IGA-e , u skladu sa preprukama Izvoznog vijeća
3. Zadužuje se MFT da predloži načine za obezbjeđenje sredstava za formiranje fondova predloženih u Dokumentu o izvoznj politici

U svezi sa tačkom 2 i 3 Izvozno vijeće je predložilo sljedeće :

- a) da se IGA **dokapitalizira** sredstvima države /entiteta jer sadašnja visina kapitala IGA-e oko 60 miliona KM , je nedovoljna za realizaciju finansijskih konstrukcija u većim izvoznim poduhvatima. On je u cjelini u funkciji tj. angažiran je u poslovanju. Dokapitaliziranje IGA-e bi , po principu ekonomije obima, pojediničilo njene usluge i cijenu kapitala (kredita) za uvoz / izvoz.
- b) Da se ustanovi „**Državni račun**“ (**garantni fond**) čija sredstva bi služila kao pokriće za izdavanje garancija (avansnih, licitacionih i izvedbenih) , koje bi IGA realizirala u ime i na račun države. Ovakav vid garancija djelovale bi kao kontragarancije evropskim bankama koje bi evropske banke izdavale ino -

- c) Iniciranje **izmjene zakonskih odredbi** Zakona o bankama i Zakona o osiguranju koje bi tretirale garancija i polica osiguranja koje IGA-izdaje IGA prvoklasnim kolateralom.
- e) Iniciranje **rada Međuministarskog vijeća** , prema Zakonu o IGA-i , koji bi razmatralo naprijed navedene zadatke

Ministarstvo financija i trezora je upoznato za Zaključcima Vijeća ministara BIH i u vezi sa njima informiše vas sljedeće:

- Učlanjenje u Razvojne banke Azije i Afrike , se odvijaju po posebnim procedurama propisanim od tih finansijskih institucija . Članstvo u takvim bankama podrazumijeva izvjesna prava korištenja finansijskih izvora ali i obveze u obliku ili članarine ili upisa dionica. Ekonomska opravdanost za učlanjenje podrazumijeva provođenje cost – benefit analiza .
- Vežano za modalitete jačanja IGA-e , Ministarstvo finansija i trezora je u 2006 godini dalo suglasnost da se sredstva sa „Escrow računa „, na kojem su se deponirala sredstva od prihoda i kamata po osnovu izdavanja garancija i polica osiguranja po osnovu upravljanja kreditnim sredstvima Svjetske banke (N-010 BOS) za projekat Hitno pokretanje industrijske proizvodnje , u iznosu od 2.586.720,67 EUR prenese u bilans IGA-e. Učešće u kapitalu IGA imaju i država i njeni entiteti i dokapitalizacija IGA-e je pitanje za koje se mora obezbjediti suglasnost entiteta .
- U toku je izmjena i dopuna Zakona o IGA-i gdje se u članu 4. Ustanovljavanje nastoje konačno usalasići procenti učešća entiteta u početnom kapitalu IGA-e. Nakon postizanja te suglasnosti sve ostale inicijative za dokapitaliziranje bi bile na temelju usaglašanih procenata .
- Što se tiče osnivanja Državnog računa (garancijskog fonda) za pokriće izdavanja garancija takođe zahtjeva pokretanje inicijativa kod entiteta , planiranje proračunskih sredstava i formalno pravno ustanovljavanje istog da bi bio operativan i funkcionalan.
- Iniciranje izmjena zakonskih odredbi Zakona o bankama i Zakona o osiguranju vezano za prihvatanje garancija i polica osiguranja kao prvoklasan kolateral je više predmetom podzakonskih akata Agencija za bankarstvo entiteta i Agencija za nadzor osiguranja u entitetima, koji su nadležni za reguliranje te oblasti.

S poštovanjem ,

MINISTAR

Dragan Vrankić